

შპს „გურამ თავართქილაძის სასწავლო უნივერსიტეტი“

დამტკიცებულია

რექტორის მიერ

ბრძანება № 01-01/30 23 მაისი 2012 წ.

პროფესიული სტუდენტის მიღწევების შეფასების  
წესი

თბილისი  
2012წ.

# პროფესიული სტუდენტის მიღწევების შეფასების წესი

## 1. სტუდენტის შეფასების სისტემა

1.1. სტუდენტის მიღწევების შეფასებისას უნივერსიტეტი ხელმძღვანელობს კრედიტების ტრანსფერისა და დაგროვების ევროპული (ECTS) სისტემით (ბრიუსელი; 2005.14.02); „უმაღლესი განათლების შესახებ“ საქართველოს კანონით (2004.21.12) და უმაღლესი საგანმანათლებლო პროგრამების კრედიტების გაანგარიშების წესით (საქართველოს განათლებისა და მეცნიერების მინისტრის ბრძანება №3, 2007.05.01) განსაზღვრული შეფასების სისტემით, რომელიც გულისხმობს ხუთი სახის დადებით შეფასებას:

ქულა	შეფასება
მაქსიმალური შეფასების 91%-ზე მეტი	A - „ფრიადი“
მაქსიმალური შეფასების 81-90%	B - „მალიან კარგი“
მაქსიმალური შეფასების 71-80%	C - „კარგი“
მაქსიმალური შეფასების 61-70%	D - „დამაკმაყოფილებელი“
მაქსიმალური შეფასების 51-60%	E - „საკმარისი“

და ორი სახის უარყოფით შეფასებას:

ქულა	შეფასება
მაქსიმალური შეფასების 41-50%	Fx - „ვერ ჩააბარა“
მაქსიმალური შეფასების 40% და ნაკლები	F - „ჩაიჭრა“

1.2. სტუდენტის მიერ სასწავლო კურსით გათვალისწინებული კრედიტის ათვისებას ადასტურებს სილაბუსით დაგეგმილი სამუშაოების შესრულებაში მიღებული დადებითი შეფასება.

1.3. უნივერსიტეტში მოქმედი პროფესიული სტუდენტის შეფასების სისტემა ეფუძნება ცოდნის აკუმულირებისა და სისტემატური შეფასების პრინციპს, რომლის მიხედვითაც, დაუშვებელია შეფასება:

ა) მხოლოდ დასკვნითი გამოცდის საფუძველზე;

ბ) მხოლოდ სემესტრის განმავლობაში სხვადასხვა კომპონენტში მიღებული ქულების ჯამის საფუძველზე.

## 2. პროფესიული სტუდენტის სემესტრული შეფასება

2.1. პროფესიული სტუდენტის სემესტრული შეფასებას განსაზღვრავს შუალედური შეფასებებისა და დასკვნითი გამოცდის ქულათა ჯამი. ამასთან, დასკვნითი გამოცდა ფასდება 40 ქულით, ხოლო შუალედური შეფასებები - 60 ქულით.

2.2. შუალედური შეფასებების ქულათა ჯამს სემესტრის განმავლობაში სტუდენტი შემდეგ კომპონენტებში დააგროვებს:

- ა) ლექციებზე აქტიურობა;
- ბ) დავალების შესრულება;
- გ) პრაქტიკული და ლაბორატორიული სამუშაოს შესრულება;
- დ) შუალედური შემოწმება.

2.3. შუალედური შეფასებების კომპონენტები:

- ა) **ლექციებზე აქტიურობა** - ფასდება 10 ქულით და გულისხმობს მონაწილეობას: სასწავლო დისკუსიებში, პრეზენტაციებში, პრაქტიკული სამუშაოების შესრულება/გადაწყვეტაში და სხვა ინტერაქტიული მეთოდებით გამოვლითხვაში;
- ბ) **დავალების შესრულება** - ფასდება 15 ქულით და გულისხმობს კონკრეტულ თემაზე ცოდნის გამოვლენას საშინაო დავალების, ტესტირების, საკონტროლო ან სხვა სამუშაოს შესრულების გზით; სამუშაოთა ტიპი, რაოდენობა (არანაკლებ ხუთისა), ჩატარებისა და შეფასების მეთოდები (ინტერაქცია, დისკუსია, დებატი, ღია წიგნი და სხვ.) და კრიტერიუმები ლექტორის მიერ განისაზღვრება სილაბუსში;
- გ) **პრაქტიკული და ლაბორატორიული სამუშაოს შესრულება** (სცენების გადაღება, ფერის და კადრის კომპოზიცია, განათების პარტიტურა, გადაღების ტექნიკა, გადაღებული მასალის მონტაჟი, ჟანრობრივი გადაღება და სხვა). ფასდება 15 ქულით. მოწმდება სამუშაოს დამოუკიდებლად შესრულების შედეგად სტუდენტის მიერ გამოვლენილი ცოდნა, მისი პრაქტიკაში გამოყენების უნარ-ჩვევა. სამუშაოთა ტიპი, რაოდენობა, ჩატარებისა და შეფასების მეთოდები და კრიტერიუმები ლექტორის მიერ განისაზღვრება სილაბუსში;
- დ) **შუალედური შემოწმება** - სტუდენტის მიერ შეძენილი ცოდნისა და უნარ-ჩვევების საშუალოდ შეფასებაა, რომელიც სემესტრში ერთხელ, მე-8 კვირაში, ტარდება წერითი ან შერეული ფორმით და ფასდება 20 ქულით. შეფასების მეთოდები და კრიტერიუმები ლექტორის მიერ განისაზღვრება სილაბუსში;

2.4. დასკვნითი გამოცდა

- ა) დასკვნითი გამოცდა (წერითი ან შერეული ფორმით) ტარდება სემესტრის ბოლოს, სასწავლო პროცესის აკადემიური კალენდრით განსაზღვრულ ვადებში. დასკვნითი გამოცდის შეფასების კრიტერიუმები ლექტორის მიერ განისაზღვრება სილაბუსში;
- ბ) სტუდენტი დასკვნით გამოცდაზე დაიშვება იმ შემთხვევაში, თუ სემესტრის განმავლობაში შუალედური შეფასებებით დაგროვილი ქულათა ჯამი შეადგენს 11-ს ან მეტს;
- გ) დასკვნითი გამოცდის მაქსიმალური ქულაა- 40;
- დ) დასკვნითი გამოცდაზე დადებით შეფასებად ითვლება 20 ქულა და მეტი;
- ე) თუ დასკვნით გამოცდაზე სტუდენტმა დაიმსახურა დადებითი შეფასება, მაგრამ მისი შუალედური შეფასებებისა და დასკვნითი გამოცდის ქულათა ჯამი შეადგენს 41-50 (Fx) სტუდენტს ეძლევა დამატებით გამოცდაზე გასვლის უფლება;
- ვ) თუ დასკვნით გამოცდაზე სტუდენტმა ვერ დაიმსახურა დადებითი შეფასება, მაგრამ მისი შუალედური შეფასებებისა და დასკვნითი გამოცდის ქულათა ჯამი

ტოლია ან აღმატება 41-ს, სტუდენტს ეძლევა დამატებით გამოცდაზე გასვლის უფლება;

ზ) თუ დასკვნითი გამოცდის და შუალედური შეფასებების ქულათა ჯამი შეადგენს 40 და ნაკლებს (F) სტუდენტი დამატებით გამოცდაზე არ დაიშვება და მის სემესტრულ შეფასებად ჩაითვლება „F” (ჩაიჭრა) შესაბამისი ქულით;

თ) დასკვნით გამოცდაზე გამოუცხადებლობის შემთხვევაში, სტუდენტს უფლება აქვს, ერთხელ გავიდეს დამატებით გამოცდაზე.

## 2.5. დამატებითი გამოცდა

ა) სტუდენტს უფლება აქვს დამატებითი გამოცდაზე გავიდეს იმავე სემესტრში, დასკვნითი გამოცდიდან არანაკლებ 10 დღის შემდეგ;

ბ) დამატებით გამოცდაზე გამოუცხადებლობის შემთხვევაში სტუდენტი შეფასდება 0 ქულით და მისი სემესტრული შეფასება იქნება „F” (ჩაიჭრა);

გ) დამატებით გამოცდაზე მიღებული უარყოფითი შეფასება ავტომატურად განსაზღვრავს სტუდენტის შესაბამის სემესტრულ შეფასებას - 0 ქულა - „F” (ჩაიჭრა);

დ) თუ დამატებით გამოცდაზე სტუდენტმა დაიმსახურა დადებითი შეფასება, მაგრამ მისი შუალედური შეფასებებისა და დამატებითი გამოცდის ქულათა ჯამი შეადგენს „Fx“-ის (ვერ ჩააბარა) ან „F“-ის (ჩაიჭრა) შესაბამის ქულებს, მის სემესტრულ შეფასებად ჩაითვლება „F” (ჩაიჭრა), 0 ქულით.

## 2.6. სემესტრული შეფასება

ა) დადებითი სემესტრული შეფასების მისაღებად სტუდენტი ვალდებულია, დასკვნითი ან დამატებითი გამოცდისა და შუალედური შეფასების შედეგებით დააგროვოს 51 ქულა ან მეტი.

ბ) უარყოფითი სემესტრული შეფასების მიღების შემთხვევაში, სტუდენტი ხელმეორედ გაივლის სასწავლო კურსს, რაც დაკავშირებულია დამატებით ფინანსურ ვალდებულებასთან.

## 2.7. განსაკუთრებული შემთხვევები

ა) ავადმყოფობის ან სხვა საპატიო მიზეზით შუალედურ შეფასებებზე, დასკვნით ან დამატებით გამოცდაზე გამოუცხადებლობა, სათანადო დოკუმენტის წარმოდგენის შემთხვევაში, დეკანატის გადაწყვეტილებით, სტუდენტს ეთვლება საპატიოდ და მას ნება ეძლევა:

- დეკანატის მიერ დადგენილ ვადებში დაფაროს აკადემიური დავალიანება;
- უარყოფითი შეფასების შემთხვევაში, კიდევ ერთხელ გავიდეს დამატებით გამოცდაზე.

## 3. პროფესიული ნაშრომის შეფასების კრიტერიუმები

1. სახეზეა ოპერატორის ხელოვნების საფუძვლის ცოდნა;
2. განსაზღვრულია მხატვრული ნაწარმოების იდეურ-თემატური ჩანაფიქრი;
3. სახეზეა ლიტერატურული სცენარის ეკრანული (კინო-ტელე) ინტერპრეტაცია;
4. განსაზღვრულია ფილმში კადრირება, კომპოზიცია, განათება, მიზანსცენები;

5. ფილმში წარმოდგენილია დინამიკა (ხედების მასშტაბების, გადაღების წერტილების და კამერის დინამიური მოძრაობისა და სხვა შედეგად) და შექმნილია შესაბამისი ატმოსფერო/განწყობა;
6. ფილმის მხატვრული გაფორმება შეესაბამება იდეურ-მხატვრულ ჩანაფიქრს;
7. მიღწეულია ფორმის და შინაარსის სინთეზი;
8. შექმნილია მხატვრული სახეები;
9. სახეზეა შემოქმედებითი ინდივიდუალობის წარმოჩენის მცდელობა;
10. სახეზეა ტემპო-რიტმის ზუსტად განსაზღვრის მცდელობა;
11. დაცულია აუდიო-ვიზუალური იდენტურობა.

პროფესიული ნაშრომის შეფასება ხდება შემდეგი კრიტერიუმების მიხედვით:

N	კრიტერიუმი	მაქსიმალური ქულა
1.	ესთეტიკურ-ვიზუალური მხარე	30
1.1.	მხატვრული გადაწყვეტა	10
1.2.	გამოყენებული ტექნიკური საშუალებები (ციფრული ტექნოლოგიები, სხვა ვიზუალური მასალა), მრავალფეროვნება	5
1.3.	ტემპო-რიტმი	5
1.4.	სტილის და ესთეტიკური სტანდარტების დაცვა	10
2.	კონცეფცია: იდეურ-შინაარსობრივი მხარე	50
2.1.	იდეურობა და შინაარსის სრულყოფილება	20
2.2.	აქტუალობა	10
2.3.	კონცეფციის ორგანოლობა	10
2.4.	ფინალის (გადწყვეტის) სრულყოფილება	5
2.5.	კონცეპტუალური დასაბუთებულობა	5
3.	სანახაობრიობა- პრეზენტაბელურობა	20
3.1.	კინომატოგრაფიული ნიუანსები: განათების, გახმოვანების, სცენების, კადრების ურთიერთშეხამება	10
3.2.	სანახაობრივი შეკრულობა, დინამიურობა	10
	სულ:	100

#### 4. პრაქტიკის ანგარიშის დაცვა

1. პროფესიული პრაქტიკის გავლისა და კათედრაზე პრაქტიკის ხელმძღვანელთან ანგარიშისა და დღიურის წარდგენის შემდეგ სტუდენტი პროგრამულ მიმართულებაზე (კათედრაზე) იცავს პრაქტიკის ანგარიშს ამ მიზნით გამოყოფილი კომისიის წინაშე.

2. სტუდენტები, რომლებმაც არ გაიარეს პროფესიული პრაქტიკა ან ვერ დაიცვეს პრაქტიკის ანგარიში, არ დაიშვებიან საკვალიფიკაციო გამოცდაზე.

## 5. პრაქტიკის ანგარიშის შეფასების კრიტერიუმები

პრაქტიკის დაცვის შეფასება ხორციელდება უნივერსიტეტში მოქმედი შეფასების 100 ქულიანი სისტემით, რომლის ნაწილდება ქვემოთ ჩამოთვლილ კომპონენტებზე შემდეგი ხვედრითი წილით (პროცენტით):

1. პრაქტიკის სრული დღეების რაოდენობა - 10%;
2. პრაქტიკის დღიური - 10%;
3. პრაქტიკის ანგარიშის რეზიუმე - 10%
  - გაფორმებულია შესაბამისად
  - რეზიუმე სრულად ასახავს პრაქტიკის მიზნებსა და შედეგებს
4. საწარმოს/ორგანიზაციის აღწერა - 20%  
ქმნის მკაფიო წარმოდგენას საწარმოზე
5. პრაქტიკის პროცესში განხორციელებული საქმიანობის ანალიზი - 30%
  - განხორციელებული საქმიანობა შეესაბამება პრაქტიკის მიზნებს
  - შესაბამისი მაგალითების მოშველიებით აფიქსირებს მიღწეულ შედეგებს (განვითარებული კომპეტენციები)
  - კომპეტენციების განვითარება შეფასებულია კრიტიკულად
  - ლოგიკურადაა ჩამოყალიბებული
6. დასკვნების და რეკომენდაციების არგუმენტირება - 20%

ბურამ თავართეილოაძის სასწავლო უნივერსიტეტი